

0052117


11.3/18/2-2

355521

文學博士瀧川龜太郎

江苏王學士院圖書館
藏書章

史記會注考證



東方文化學院東京研究所藏版

昭和九年六月廿五日印刷
昭和九年六月三十日發行

史記會注考證

定價 全十册 金參拾八圓
各册 金參圓八拾錢

著 瀧 川 龜 太 郎

發 行 省 東 京 市 豐 島 區 西 巢 鴨 二 丁 目 二 千 四 百 七 十 一 番 地
多 田 寅 松

印 刷 省 東 京 市 神 田 區 神 保 町 一 丁 目 三 十 四 番 地
高 田 壬 午 郎

印 刷 所 東 京 市 神 田 區 神 保 町 一 丁 目 三 十 四 番 地
株 式 開 明 堂 東 京 支 店

東京市小石川區大塚町五十六番十五號

發行所 東方文化學院東京研究所

史記總論訂補

史記總論第一二一頁八行我邦下補

枕草紙云。一條天皇手寫史記。以天子之尊、躬親書生之勞。其欣賞何如也。上之所好、下必從之。

三十七字。第一二二頁九行記也下補

紫式部日記云。家君授兄某以史記。妾在側聽之。此婦女亦講史記也。

二十七字。

史記會注考證卷一百二十八

漢 太 史 令 司 馬 遷 撰

宋 中 郎 外 兵 曹 參 軍 裴 駢 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

日 本 出 雲 瀧 川 資 言 考 證

龜策列傳第六十八 史記一百二十八

索隱 龜策傳有錄無書褚先生所補其敘事煩蕪陋略無可取**正義** 史記至元成
開十篇有錄無書而褚少孫補景武紀將相年表禮書樂書律書三王世家蒯成侯日

者龜策列傳曰者龜策言辭最鄙陋非太史公之本意也考證史公自序云三王不同龜四夷各異卜然各以決吉凶略闕其要作龜策列傳第六十八梁玉繩曰史公此傳亡褚生補之而其序則託之史公者也史公封禪書首曰自古受命帝王曷常不封禪而日者序曰自古受命而王何嘗不以卜筮此序曰自古聖王何嘗不寶卜筮胡屢襲之耶巫蠱起于征和乃言邱子明之屬因巫蠱族誅則非史訖太初之限余至江南以下尤義支辭弱徐孚遠曰太史公天官家與龜策家相爲出入故著其傳陳仁錫曰龜策敘乃子長之筆臣以經術以下則褚生所補錢大昕曰張晏謂龜策傳有目無書褚先生言臣往來長安中求龜策列傳不能得然此篇有今上卽位之文其詞非褚先生所能作愚按龜策傳序史公手筆但頗少俊邁氣象非其至者也梁氏以其起首與封禪日者同法疑之一百三十篇五十三萬言豈無一二同法者乎梁氏又云余至江南以下義支辭弱尙卜筮信禎祥當時之人皆然不獨史公未可以今概古也褚少孫亦但云求列傳不能得不及序論有無

太史公曰自古聖王將建國受命興動事業何嘗不寶卜筮以助善唐虞以上不可記已自三代之興各據禎祥塗山之兆從而夏啟世飛燕之卜順故殷興考證禹娶于塗山氏生啓簡狄見玄鳥墮卵生契百穀之筮吉故周王考證後王者決定諸疑參以卜筮斷以蓍龜

考證後王者決定諸疑參以卜筮斷以蓍龜

不易之道也。

正義
著音詩

蠻夷氏羌雖無君臣之序，亦有決疑之

卜。或以金石，或以草木。

集解徐廣曰：草一作革。

國不同俗，然皆可以戰伐

攻擊，推兵求勝，各信其神，以知來事。略聞夏殷欲卜者，乃取

著龜，已則弃去之。

何焯曰：卜下有筮字。

以爲龜藏則不靈，著久則不

神。至周室之卜官，常寶藏著龜。又其大小先後，各有所尚。要

其歸等耳。

此史公自序所謂略闕其要也。

或以爲聖王遭事無不定，決疑無

不見。其設稽神求問之道者，以爲後世衰微，愚不師智，人各

自安，化分爲百室，道散而無垠。故推歸之至微，要潔於精神

也。

李笠曰：潔當作絜，猶絜矩之絜。

或以爲昆蟲之所長，聖人不能與爭。其處

吉凶，別然否，多中於人。

正義昆蟲謂龜也。

至高祖時，因秦太卜官。

考證漢百官公卿表奉常秦官掌宗廟禮儀景帝中六年更名太常屬官有太樂太常太宰太史太卜太醫

天下始定、兵革未息。

及孝惠、享國日少。呂后女主。孝文、孝景、因襲掌故、未遑講試。

雖父子疇官、世世相傳、其精微深妙、多所遺失。

考證疇官猶曰疇人疇等通疇官

掌歷算卜筮之官史歷書周室微陪臣執政史記不時故疇人子弟分散程大昌云古人字多假借疇人者籌人也蓋以算數名

至今上卽位、博

開藝能之路、悉延百端之學。通一伎之士、咸得自效。絕倫超

奇者爲右、無所阿私。數年之間、太卜大集。會上欲擊匈奴、西

攘大宛、南收百越。

集解徐廣曰攘一作襄襄除也

卜筮至預見表象、先圖其

利。及猛將推鋒執節、獲勝於彼、而蓍龜時日、亦有力於此。上

尤加意、賞賜至或數千萬。如丘子明之屬、富溢貴寵、傾於朝

廷、至以卜筮射蠱道、巫蠱時或頗中。

考證漢書武紀元光五年秋七月乙巳皇后陳氏廢捕爲巫蠱者

皆梟首、外戚傳、女子楚服等、坐為皇后巫蠱祠、祭祝詛、大逆無道、相連及誅者、三百餘人、楚服梟首於市、此序所謂巫蠱、即是非言衛皇后戾太子事、梁氏誤、素有三

眦、睚不快、因公行誅、恣意所傷、以破族滅門者、不可勝數、百

僚蕩恐、皆曰、龜策能言、後事覺姦窮、亦誅三族、考證岡白駒曰、

三族、夫撻策定數、灼龜觀兆、變化無窮、集解徐廣曰、撻、音逢、一作達、索隱按徐廣撻音逢、撻謂兩手

執著、分而撻之、故云撻策、是以擇賢而用占焉、可謂聖人重事者乎、考證陳

段刺世深隱、非太史公不能作、周公卜三龜、而武王有瘳、考證周書金縢、乃卜三龜、

紂為暴虐、而元龜不占、考證商書西伯戡黎、格人元龜、罔敢知吉、晉文將定襄王之

位、卜得黃帝之兆、卒受彤弓之命、集解左傳曰、遇黃帝戰于阪泉之兆、考證僖廿五年、廿八年、左傳、之

獻公貪驪姬之色、卜而兆、有口象、其禍竟流五世、考證晉語、獻公卜伐驪

戎、史蘇占之曰、遇兆、挾以銜骨、齒牙為猾、戎夏交捽、且懼有口、楚靈將背周室、卜而龜逆、終被乾谿

之敗。

集解左傳曰：靈王卜曰：余尙得天下，不吉。按龜詢天而呼曰：是區區者而不余畀，余必自取之。索隱詢音火候反。考證昭十三年左傳。

兆應

信誠於內，而時人明察，見之於外，可不謂兩合者哉？君子謂

夫輕卜筮，無神明者，悖背人道。

索隱悖背，上音倍，下音佩。

信禎祥者，鬼神

不得其正，故書建稽疑五謀，而卜筮居其二，五占從其多，明

有而不專之道也。

考證周書洪範。

余至江南，觀其行事，問其長老。

云：龜千歲，乃遊蓮葉之上。

集解徐廣曰：蓮一作蘊，蘊與蓮聲相近，或假借字也。

著百莖共一

根。

集解徐廣曰：劉向云：龜千歲而靈，著百年而一本生百莖。

又其所生，獸無虎狼，草無毒螫。江

傍家人，常畜龜，飲食之，以爲能導引致氣，有益於助衰養老。

豈不信哉？

考證張文虎曰：御覽九百三十一引家人作人家，今本誤倒。愚按御覽引信作偉，何焯曰：按此卷但有序論而無傳，故褚先生補之，以下乃少孫

所補，若序論則非少孫所能爲也。今人概焉忽之，惑于索隱有錄無書之一言耳。

褚先生曰。臣以通經術、受業博士治春秋、以高第爲郎、幸得宿衛出入宮殿中、十有餘年。竊好太史公傳。太史公之傳曰。三王不同龜、四夷各異卜。然各以決吉凶。略闕其要。故作龜策列傳。正義傳、即卜筮之書。此龜策列傳史公自序之文。臣往來長安中、求

龜策列傳、不能得。故之大卜官、問掌故文學長老習事者、寫取龜策卜事、編于下方。聞古五帝三王、發動舉事、必先

決蓍龜。傳曰。

索隱此傳即太卜所得古占龜之說也。

下有伏靈、上有兔絲。上有擣

蓍、下有神龜。

索隱擣音逐。畱反。按即稠也。擣蓍即蓍蓍。擣是古稠字也。

絲龜韻淮南子說山訓千年之松下有茯苓上有兔絲。上

有叢蓍。下有伏龜。聖人從外知內。以見知隱也。高誘注。茯苓千載松脂也。兔絲生其上而無根。一名女蘿也。

所謂伏靈者、在兔

絲之下。狀似飛鳥之形。新雨已、天清靜無風。以夜捎兔絲

去之、考證即以籊燭此地。

集解徐廣曰籊、籠也。蓋然火而籠罩其上也。音溝。陳涉世家曰夜籊火也。

燭

之火滅、即記其處、

考證岡白駒曰氣自地中吹出滅之、

以新布四丈環置之、明

即掘取之。入四尺至七尺得矣。過七尺不可得。伏靈者、千

歲松根也。食之不死。

考證王念孫曰伏靈、今茯苓、松脂所化、非松根也。根當作脂。御覽爾雅翼並引龜策傳曰茯苓者千載松脂

也。淮南子說山篇高注曰茯苓、千載松脂也。博物志引神仙傳曰松脂入地、千年化為茯苓。

聞著生滿百莖者、其下

必有神龜守之。其上常有青雲覆之。傳曰。天下和平、王道

得、而著莖長丈、其叢生滿百莖。

考證王念孫曰類聚御覽引此作其叢生百莖共根、百上無滿字、莖下有共

根二字、上下文言滿百莖、皆褚先生之語、此言百莖共根、乃褚引古傳之文、不與上下同也。

方今世取著者、不能中

古法度。不能得滿百莖長丈者。取八十莖已上、著長八尺、

即難得也。人民好用卦者、取滿六十莖已上、長滿六尺者、

即可用矣。記曰：能得名龜者，財物歸之，家必大富，至千萬。
一曰北斗龜。二曰南辰龜。三曰五星龜。四曰八風龜。五曰
二十八宿龜。六曰日月龜。七曰九州龜。八曰玉龜。凡八名
龜。

考證 御覽九百三十一引玉龜作王龜，藝文類聚亦作王龜。岡白駒曰：其文北斗爲北斗龜。

龜圖各有文在腹下。

文云云者，此某之龜也。略記其大指，不寫其圖。取此龜，不
必滿尺二寸。民人得長七八寸，可寶矣。今夫珠玉寶器，雖
有所深藏，必見其光。考證 張文虎曰：游王凌本必誤之。必出其神明。其此之謂
乎。故玉處於山而木潤，淵生珠而岸不枯者，潤澤之所加
也。

集解 徐廣曰：一無不字。許氏說淮南以爲滋潤鍾於明珠，致令岸枯也。考證 張文虎曰：凌本處誤出。荀子勸學篇：玉在山而草木潤，淵生珠而岸不枯。淮南子

說山訓：玉在山而草木潤，淵生珠而岸不枯。愚按：許氏淮南注與史義殊。

明月之珠，出於江海，藏於蚌中，

蚺龍伏之。

集解

索隱徐廣曰許氏說淮南云蚺龍龍屬也音決也。蚺蟄伏之按蚺當爲蛟蟄音龍注音決誤也。

王者得之

長有天下四夷賓服。能得百莖蓍并得其下龜以卜者百言百當足以決吉凶。神龜出於江水中。廬江郡常歲時生龜。長尺二寸者二十枚。輸太卜官。太卜官因以吉日剔取其腹下甲。龜千歲乃滿尺二寸。

考證

張文虎曰太卜官三字柯凌本不重蓋脫字愚按御覽亦重三字

王者發軍行將必鑽龜廟堂之上以決吉凶。今高廟中有龜室藏內以爲神寶。傳曰取前足臚骨穿佩之取龜置室西北隅懸之以入深山大林中不惑。

集解

索隱徐廣曰臚音乃毛反臚臂音乃臚音乃高反臚臂也

一音乃導反

臣爲郎時見萬畢石朱方傳曰有神龜在江南嘉

林中。

集解

索隱按萬畢術中有石朱方方中說嘉林中故云傳曰考證王引之曰水經決水注云灌水導源廬江金蘭縣西北東陵鄉大蘇山褚先生所謂神龜出

於江灌之間嘉林之中蓋謂此水也東北逕蓼縣故城西而北注決水是此傳原文本作神龜出於江灌之間且其地在江北非在江南今本云神龜在江南蓋後人多聞江水少聞灌水故以意改之耳

嘉林者獸無虎狼鳥無鷗梟草無毒螫野火

不及斧斤不至是為嘉林龜在其中常巢於芳蓮之上左

脅書文曰甲子重光集解徐廣曰正長也為有土之官長諸侯得我為帝王求之於白蛇蟠杆林

正集解徐廣曰正長也為有土之官長中者集解徐廣曰杆一孤反齋戒以待集解徐廣曰杆一孤反齋戒以待

如有人來告之集解徐廣曰杆一孤反齋戒以待集解徐廣曰杆一孤反齋戒以待

酒佗髮求之三宿而得集解徐廣曰佗一作被佗集解徐廣曰佗一作被佗集解徐廣曰佗一作被

由是觀之豈不偉哉故龜可不敬歟南方老人用龜支牀

足行二十餘歲老人死集解徐廣曰佗一作被移牀龜尚生不死龜

龜策列傳第六十八

能行氣導引。問者曰：龜至神若此，然太卜官得生龜，何爲輒殺取其甲乎？近世江上人有得名龜，畜置之。家因大富，與人議欲遣去。人教殺之勿遣。遣之破人家。

考證 岡白駒曰：言破汝家也。

龜見夢曰：送我水中，無殺吾也。其家終殺之。殺之後，身死，家不利。人民與君王者異道。人民得名龜，其狀類不宜殺也。以往古故事言之，古明王聖主皆殺而用之。宋元王時得龜，亦殺而用之。謹連其事於左方，令好事者觀擇其中

焉。

考證

莊子外物篇：宋元王作宋元君，釋文：元君，元公也。元公名佐，平公之子。顧炎武曰：宋有元公，無元王。錢大昕曰：宋稱王自偃始。此元王，或王偃之譌。王

偃雖戰勝攻取，尋卽亡滅，暴而不德，非靈龜所能祐也。愚按：淮南子說山訓：神龜能見夢元王，而不能自出漁者之籠。作元王者，不獨褚少孫

宋元王

二年，江使神龜使於河，至於泉陽。漁者豫且，舉網得而囚

之置之籠中。

索隱

豫且下音子余切。泉陽人網元龜者。莊子外物篇作余且。釋文姓余名且。

夜半龜來見

夢於宋元王曰。我爲江使於河。而幕網當吾路。泉陽豫且

得我。我不能去。身在患中。莫可告語。王有德義。故來告訴。

考證
去語訴韻

元王惕然而悟。乃召博士衛平而問之。

索隱
衛平宋元君之臣也。

曰。今寡人夢見一丈夫。延頸而長頭。衣玄繡之衣。而乘輜

車。來見夢於寡人。曰。我爲江使於河。而幕網當吾路。泉陽

豫且得我。我不能去。身在患中。莫可告語。王有德義。故來

告訴。是何物也。衛平乃援式而起。

集解

徐廣曰。式音勅。日者傳旋式正棊。

仰

天而視月之光。觀斗所指。定日處鄉。規矩爲輔。副以權衡。

四維已定。八卦相望。視其吉凶。介蟲先見。

考證
岡白駒曰。鄉與嚮通。何焯曰。仰天而觀。

月之光以下用韻乃對元王曰。今昔壬子。繫隱今昔猶昨夜也。以今日言之。謂昨夜爲今昔。

夕宿在牽牛。河水大會。鬼神相謀。漢正南北。正義漢天河江河

固期。南風新至。江使先來。白雲壅漢。萬物盡留。斗柄指日。使者當囚。玄服而乘輜車。其名爲龜。王急使人問而求之。

王曰。善。

考證牛謀期來。留囚。韻御覽七百二十五。壅漢作擁。漢錢大昕曰。奇門之式。古人謂之遁甲。卽易八卦方位。加以中央。與乾鑿度太一下行九宮

之法相合。史記龜策傳。衛平乃援式而起。仰天而視月之光。觀斗所指。云云。乃對曰。今昔壬子。宿在牽牛。云云。此遁甲式也。日在牽牛。冬至之候。蓋冬至後壬子日。庚子時。陽遁第一局。甲午爲句首。在巽宮。杜門爲直。使時加子。子爲玄武。故云介蟲先見也。規矩權衡謂坎離震兌四正之位。漢書魏相傳。東方之神執規。司春南方之神執衡。司夏西方之神執矩。司秋北方之神執權。司冬是其義也。加以四維。故云八卦相望也。張文虎曰。援式而起。謂地盤也。仰天而視月之光者。定時也。觀斗所指者。正月令也。定日處鄉者。正日躔也。規矩權衡四維八卦者。左規右矩。前衡後權。謂天盤所加十二辰之位也。義見淮南天文訓及漢書律歷志。介蟲先見者。謂初傳玄武發用也。今昔壬子者。日辰也。宿在牽牛者。日宿在丑也。河水大會者。仲冬水王。又日時干支皆水也。漢正南北者。夜半時箕斗在子。天漢正當南北也。南風新至者。冬至一陽生也。斗柄指日者。月建在